

possent, congeffit, Si per fata licuisset, spicilegium collegisset vir Juvenis præstantissimus, & ut ut modestia singularis doctrinam occultaret, in Jurisprudencia & Philologia Latina versatissimus, Dn. Wilhelmus Snethlage: sed, dum in eo totus est, ut, quæ mente conceperat, carmine (scribebat) feliciter & ad imitationem antiquorum) complectatur, vitæ & mortis Dominus manum iniecit, atque veteranum dignissimumque Academiæ civem ad cælestem Panegyrim evocavit, ubi, securus Nihili, se oblectat in contemplatione ENTIS, ab omni Nihilo remotissimi. Postremo, hoc de me ipso dicere debeo, laborasse in hac de Nihilo Diatriba, Dei supereminentem Majestatem commendare, quum per ipsum Nihilum liceat pervenire ad eum, qui omnia, quæ extra se sunt, propter seipsum architectatus est. Alii aliud judicent, mihi perpetuo placuit illud Augustini cap. 19. de ver. Relig. *Qui scire, ut sciat, vult, non tendens ad altior em finem, qui est Deus, vane curiosus est.* Et tamen non omnibus satisfecero? Sed parum moveor. Nullus mortaliū, imo ne quidem humana sorte augu-

stior